




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst 543 8° (LN 778 8° copy 2)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst 543 8° (LN 778 8° copy 2)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst 543 8° (LN 778 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst 543 8° (LN 778 8° copy 2)

N<sup>o</sup> 543.




= LN 778

18. 2



ASSERTIONES  
DE  
PRÆDESTINATIONE  
Dei æterna in disputatio-  
nem propositæ

A  
Nicolao Hemmingio  
in Decembrj  
Anno  
1563.



Hafniæ,  
EXCVDEBAT  
Laurentius Benedict.

1563.

*vide alij. 7 om 7 lib. 1. in  
suis 4 Ad amicos sibi felyo  
impressis.*





*E* aeterna dei praedestina-  
tione & electione homi-  
num ad vitam beatam &  
immortalem rectè erudiri  
ecclesiam summoperè necessariū est.  
Nam vt nulla doctrina vberio-  
rem consolationem pijs conscientijs adfer-  
re potest quàm doctrina praedestina-  
tionis rectè explicata : Ita nihil pe-  
riculosius est quàm a vera praedesti-  
nationis ratione aberrare.

*Q*uare ne à modo praedestina-  
tionis & electionis quem nobis com-  
mendat scriptura aberremus, summo  
studio cauendum est. Nam qui à  
vero modo defleat in praecipitium  
fertur, vnde se recipere non po-  
test.

*Sunt*



3

Sunt quidam, qui cum audiunt  
nostram salutem in Dei electione &  
proposito sitam esse & modum ve-  
rum haud observant, somnia stoica  
& tabulas Parcarum fingunt: qui-  
bus & seipsos miserè implicant, &  
alios periculose seducunt.

4

Nam fieri aliud nequaquam  
potest quàm, ut is qui fatales libros  
de saluandis & perdendis imagina-  
tur, vel Hypochrissi vana turgeat,  
uel Desperatione perniciofa tabescat.

5

Quidam enim carnalis cuius-  
dam securitatis ansam arripientes, in  
quævis scelera licentiosè ruunt: sibi  
quidem ipsis in certam perniciem a-  
lijs verò in graue scandalum.

A 2

Non



Nonnulli in contrarium malum feruntur: qui cum contra verbum dei particularem gratiae promissionem somniant, in desperationis baratrum demerguntur: in quo eos aeternum perire, nisi maturè dextera dei erecti resipiscant, necesse est.

Quapropter, cum audimus verbo Dei nobis praedestinationis mysterium commendari, simul in verbo dei praedestinationis modum cum sua vera causa quaeramus: quem si rectè tenuerimus, summam consolationem praedestinationis doctrina nobis adferet: & erit non solum veluti calcar, quoddam ad omnia pietatis exercitia: Verum etiam ut sacra quaedam ancora in mortis articulo.

Mo=

verif.  
comm  
scribit  
ante co  
nos san  
dilectio  
in adop  
IESV  
DIL  
redemptio  
Item, pr  
CHRI  
tem a  
dum pr  
ratur se  
sue, ut  
eius qui  
STO. I



*Modus autem prædestinationis  
 verissimus est, quem Paulus nobis  
 commonstrat cum ad Ephesios ita  
 scribit. Elegit nos in CHRISTO  
 ante constitutionem mundi ut simus  
 nos sancti & inculpati coram ipso in  
 dilectione. Item, prædestinauit nos  
 in adoptionem per CHRISTVM  
 IESVM. Item, Gratos nos fecit in  
 DILECTO: in QVO habemus  
 redemptionem per sanguinem eius.  
 Item, proposuit intelligere omnia in  
 CHRISTO. Item, In QVO in sor-  
 tem asciti sumus, prædestinati secun-  
 dum propositum eius, qui omnia ope-  
 ratur secundum consilium voluntatis  
 suæ, ut nos simus in laudem gloriæ  
 eius qui ante Sperauimus in CHRI-  
 STO. Item, In QVO & credentes*

*A 3*

*ob=*



obsignati estis spiritu promissionis  
sancto qui est Arrabo hæreditatis  
nostræ.

9

Hic Paulus clarissimè modum  
prædestinationis definit, dum pro-  
nunciat Deum prædestinasse nos sa-  
luti per *CHRISTVM* & in  
*CHRISTO*. Per *CHRISTVM*  
quidem ut mediatorem & *μεσσην*.  
In *CHRISTO* verò ut in ca-  
pite & cum capite : cuius membra  
efficimur per fidem, quam Euange-  
lium promiscuè omnibus prædicat.

10

Prædestinavit igitur nos Deus  
non ex arando fatales libros cum Ze-  
nonis familia, sed statuendo iuxta  
consilium voluntutis suæ modum  
salutis consequendæ per *CHRI-*  
*STVM* & in *CHRISTO*.

In

cludit  
Christo  
ides de  
STI  
Qu  
necessari  
plurima  
Paulus  
natione  
inculcat  
cemus?  
tur inst  
stitium,  
ex fide.  
institue  
uenit.  
sed ex op

*In hoc modo conditio fidei includitur. Nam cum fide inserimur Christo, eius membra efficimur, atq; ideò electi quia membra CHRI-  
STI sumus.*

*Quàm autem hæc conditio sit necessaria ex ordinatione diuina, plurima sanè declarant testimonia. Paulus Rom: 9. Vbi de prædestinatione disputat hanc conditionem inculcat inquit. Quid igitur dicemus? Gentes, quæ non sectabantur iustitiam apprehenderunt iustitiam, iustitiam, inquam, quæ est ex fide. Israel verò sectans legem iustitiæ ad legem iustitiæ non peruenit. Quare? quia non ex fide, sed ex operibus legis. Hanc con-*



ditionem repetit Apostolus in decimo capite, & sepe aliàs eam urget Col: 1. Si modò in fide permanetis fundati. Heb: 3. participes facti sumus Christi si modò inchoatam fiduciam vsq; ad finem firmam teneamus. 1. Timot: 2. Mulier saluabitur si permanserit in fide.

13

Necessitatem huius conditionis Apostolus ipse de se loquens ostendit cum ait: Væ mihi si non euangelizem. Item, Castigo corpus meum & in servitutem redigo, ne fortè cum alijs prædicauero ipse reprobus efficiar. Si igitur Paulus electum Dei organum ex fide obedientiam erga deum non præstitisset, fide excussa gratia excidisset, reprobus sua culpa effectus. Ieremias idem verbis domini



mini inculcat. Si, inquit, pœnitentiam egerit gens illa à malo quod locutus sum aduersus eam, agam & ego pœnitentiam super malo quod cogitavi vt facerem ei. Si fecerit malum in oculis meis vt non audiant vocem meam, pœnitentiam agam super bono quod locutus sum vt facerem ei.

14

Hinc manifeste apparet prædestinationem diuinam per **CHRISTVM** & in **CHRISTO** ratam esse, & requirere à nobis conditionem fidei qua Christo inserimur, atq; ideo electi censemur.

15

Ex his quæ hætenus diximus hanc prædestinationis extruamus definitionem. Prædestinatio est ordinatio dei qua ipse ante constitutionem

A 5

mun-



mundi secundum beneplacitum &  
consilium voluntatis suæ per CHRI-  
STVM & in CHRISTO destina-  
uit vitæ æternæ OMNES in Chri-  
stum redemptorem credituros, vt  
sint sancti & inculpati coram ipso,  
vtq; laudem gloriæ gratiæ ipsius  
prædicent in omni æternitate. Huic  
opponitur reprobatio, qua reijciun-  
tur & arcentur ab æterna vita, &  
mancipantur æternis pœnis quotquot  
in Christum credere recusant, &  
quicunq; in fide Christi ad finem vsq;  
vitæ non persenerant. Huius re-  
probationis causa est peccatum ho-  
minum, & iustitia Dei iustè pu-  
nientis transgressores qui ad pro-  
piciatorium hominibus à Deo pro-  
positum non confugiunt.

Por=

P  
requiri  
amus er  
rum, de  
vitis huma  
hoc sequit  
ex lege d  
sit. Nam  
prærogati  
ta operum  
san falso

Nam  
tionis in  
nachi, /  
Paulus  
cat: Aug  
Dei volu  
Dei erga



Porro cum conditionem fidei  
 requirimus, simul Pharisaicum taxamus  
 errorem de dignitate personarum,  
 de prerogativa carnis, de meritis  
 humanorum operum. Unde &  
 hoc sequitur quod nec ex ratione nec  
 ex lege de hoc mysterio iudicandum  
 sit. Nam, ut ratio dignitatem &  
 prerogativam carnis: Ita lex merita  
 operum Hypocritis electionis causam  
 falso statuere videtur.

Non est itaque causa predestinationis  
 in nobis, ut falso opinantur monachi,  
 sed in Deo: quam causam  
 Paulus εὐδοκίαν voluntatis Dei vocat:  
 Augustinus misericordissimam  
 Dei voluntatem. De hac voluntate  
 Dei erga homines ubi certo constiterit,

Porro

rit, prædestinationis nostri fundamē-  
tum habemus immotum. Nam Deus  
omnia, vt Paulus testatur, secundum  
consilium huius suæ voluntatis ope-  
ratur.

18

Hæc dei voluntas misericordis-  
sima nō est nobis incognita aut tecta,  
sed tradita est & reuelata nobis voce  
Euangelij. Et in quatuor potissi-  
mum cernitur: IN MISSIONE  
FILII, IN PROMISSIONE,  
IN MANDATO ET IN OB-  
SIGNATIONE GRATIÆ.

19

MISSIO FILII locupletissimum  
testimoniū paternæ voluntatis Dei  
erga nos est: iuxta hanc vocem filij.  
Sic Deus dilexit mundum vt filium  
suum vnigenitum daret, vt omnis  
qui



ri fundamē-  
Nam Deus  
ur, secundum  
luntatis ope-  
misericordis-  
nita aut tecta,  
lat a nobis voce  
uatur potissi-  
MISSIONE  
SSIONE,  
ET IN OB-  
RATIE.  
repletissimum  
voluntatis Dei  
re vocem filij.  
um ut filium  
ut omnis  
qui

qui credit in eum non periat, sed ha-  
beat vitam eternam Rom: 5. Com-  
mendat Deus charitatem suam erga  
nos, quòd cùm adhuc essemus pecca-  
tores Christus pro nobis mortuus est.  
Huius itaq; λύτρον sufficiens satis-  
factio est & expiatio peccatorum to-  
tius mundi. Per hunc enim pater fa-  
tetur se placatum esse, & iubet seriò  
ut ipsum audiamus.

20

Neg est quòd quisquàm existi-  
met missum esse filium in mundum  
ut quosdam selectos tantum de gene-  
re humano redimeret, sed potius ut  
totius mundi peccata tolleret, iuxta  
illud: Ecce agnus Dei qui tollit pec-  
cata mundi. Nam ut communem no-  
stram naturam assumfit, & cum  
natura nostram causam in se recepit:  
ita



ita palàm ipse de se ait : Filius homi-  
nis venit saluare quod perierat. Iam  
autem non pauci aliquot perierant de  
genere humano, sed totum genus hu-  
manum. Quemadmodum igitur in  
Adamo omnes lapsi sumus : ita cum  
Adamo datur omnibus promissio se-  
minis contrituri caput serpētis. Hinc  
Ioannes. Christus apparuit vt de-  
struat opera Diaboli. Quapropter  
fidelis sermo, vt Paulus ait, & omni  
approbatione dignus est, quòd Chri-  
stus Iesus venit in hunc mundum pec-  
catores saluos facere.

21

Quòd autem euentus ( proh do-  
lor ) non respondeat voluntati pa-  
tris mittentis filium & desiderio fi-  
lij deriuantis in se pœnam peccati, id  
fit propria hominum malitia qui à  
patre

patre  
inuita  
modum  
cum ait  
vero ele  
& fruct  
ideo exp  
vt qui  
beant.

P  
que ver  
voluntat  
tris col  
pertine  
sunt be  
mei, q  
qui vid  
habeat  
Sic non

patre clementissimo ad nuptias filij  
inuitati venire recusant : quemad-  
modum Christus ipse conqueritur  
cum ait : Multi sunt vocati , pauci  
verò electi . Hoc est , pauci credunt  
& fructus pœnitentiæ edunt , atq;  
ideò expelluntur de domo nuptiarum  
vt qui vestem nuptialem non ha-  
beant .

22

PROMISSIO GRATIÆ,  
quæ verè vniuersalis est , similiter  
voluntatem misericordissimam pa-  
tris cœlestis nobis commendat . Huc  
pertinent plurima dicta : inter quæ  
sunt hæc . Hæc est voluntas patris  
mei , qui misit me , vt OMNIS  
qui vidit Filium & credit in eum  
habeat vitam æternam . Matth : 18.  
Sic non est voluntas ante patrem  
meum



meum qui in cælis est vt pereat vnus  
de pusillis istis. 1. Timot: 2. Deus vult  
OMNES homines saluos fieri  
& ad agnitionem veritatis ve-  
nire. 2. Pet: 3. Deus longanimis  
est erga vos, non volens vllos pe-  
rire sed OMNES ad pænitenti-  
am recipere. Huc & illud prophe-  
ticum pertinet. Nolo mortem pecca-  
toris sed vt conuertatur & viuat.  
Hinc diuus Bernhardus: Prodit in  
lucem ad miseri consolationem mag-  
num consilium, quod ab æterno la-  
tuerat in sinu æternitatis, quod nolit  
videlicet Deus mortem peccatoris  
sed magis vt conuertatur & viuat.

23

Hæc promissio gratiæ, vt est  
vniuersalis, ita etiam est gratuita,  
sola fide accipienda. Vtrumq; per-  
spi-

spiciet  
ubi ex  
tinam  
conclat  
deseri.  
Etio Iud  
minus  
qui inu

H  
Typi qu  
cum filo  
Isaac, &  
Esau in  
in lunc  
In com  
spectan  
sunt ex  
bentur i  
in rebus



*Spicue docet Paulus ad Rom: 9. 10. 11  
ubi excludit aperte omnem præroga-  
tiuam carnis & operum merita, &  
concludit omnem qui credit non pu-  
desieri. Non est enim (ait) distin-  
ctio Iudæi & Græci. Idem enim do-  
minus omnium diues in OMNES  
qui inuocant ipsum.*

24

*Huc faciunt pulcherrimi illi  
Typi quos idem Apostolus proponit,  
cum filios Abrahæ Ismahelem &  
Isaac, & filios Isaac Iacobum &  
Esau in medium adducit: qui typi  
in hunc modum accommodandi sunt.  
In commodis certis ad hanc vitam  
spectantibus, non omnes qui nati  
sunt ex semine Abrahæ & Isaac ha-  
bentur illorum filij. Multò minus  
in rebus spiritualibus censebuntur  
B filij*



filij qui ab istis sanctis patribus ortum ducunt. Quocirca quemadmodum in commodis ad hanc vitam spectantibus, tantum illi reputantur filij de quibus sancti patriarchæ habebant promissiones: ut Abraham de Isaaco, & non de Ismaele, Isaac de Iacobo & non de Esau: ita in rebus spiritualibus solum illi sunt Abrahamæ filij censendi qui promissioni gratuite credunt, & non illi qui prærogatiua carnis tument.

23

Neg. aliud vult conclusio Apostoli: Non est igitur volentis neq. currentis, sed misipientis Dei. Nam huius conclusionis hic sensus absq. dubio est verissimus. Non est volentis neq. currentis, videlicet secundum carnem, quia voluntas carnis

nis

nis &  
rogat  
rum.  
seruor  
Sed es  
cundum  
dentis.  
sunt cr  
& hic  
cordia  
dia in  
Quid ha  
proposit  
filios e  
esse ha  
  
omnes  
Abraham  
stolus



nis & cursus carnis nituntur præ-  
rogatiua carnis & meritis ope-  
rum. Atq; idcò aduersantur mi-  
sericordiæ Dei & merito Christi.  
Sed est volentis & currentis se-  
cundum promissionem: hoc est, cre-  
dentis. Siquidem omnia possibilia  
sunt credenti. Nam hæc voluntas  
& hic cursus commendant miseri-  
cordiam Dei, adeoq; sola misericor-  
dia in Christo promissa nituntur.  
Quid hinc iam efficitur? Illud quod  
propositum erat ab Apostolo non  
filios carnis sed filios promissionis  
esse hæredes.

26

Sunt autem filij promissionis  
omnes qui credunt promissioni vt  
Abraham credidit. Nam Apo-  
stolus Rom: 4. definit filios pro-  
missionis

B 2

missi-

missionis esse eos qui insistant ve-  
stigijs fidei Abraham. Et ad Gal: 3.  
Scitote ( inquit ) quòd qui credunt  
hi sunt filij Abrabæ. Si filij sunt,  
& hæredes secundum promissio-  
nem.

27

Qui hanc vniuersalem gratiam  
negant ( quantum quidem ad volun-  
tatem Dei paternam attinet ) præ-  
terquàm quòd Paulo adeoq; consen-  
sui totius scripturæ se opponunt,  
grauissimè impingunt. Primum  
enim tribuunt Deo  $\pi\rho\sigma\omega\pi\omicron\lambda\eta\phi\acute{\iota}\alpha\mu$ .  
Deinde fingunt in Deo contradic-  
torias voluntates.

28

Sed quòd apud Deum non sit  
 $\pi\rho\sigma\omega\pi\omicron\lambda\eta\phi\acute{\iota}\alpha$  multa dicta testan-  
tur. Deus enim semper bonam cau-  
sam

jam  
con  
Fide  
baet a  
Nihil  
quod  
biat  
tentes  
sonar  
men  
cipem  
tuit  
perse  
cum  
aut in  
Nun  
dicat  
lit in



*sam comprobat, & semper malam  
condemnat iuxta hanc Regulam.  
Fideles custodit Dominus & retri-  
buet abundanter facienti superbiam.  
Nihil proinde certius est, quàm  
quòd Deus omnes pœnitentes reci-  
piat in gratiam, & contrà impœni-  
tentes omnes reiiciat absq; omni per-  
sonarum respectu.*

29

*Quòd autem Deus Lazarum  
mendicare voluit & Iosephum prin-  
cipem Ægypti fecit, hoc non consti-  
tuit in Deo προσωπολήψια. Nam  
personarum acceptio in iudicijs lo-  
cum habet ubi æqualibus inæqualia,  
aut inæqualibus æqualia tribuuntur.  
Nunc autem cùm Deus sibi hanc iu-  
diciariam regulam statuit quòd ve-  
lit in Christo OMNES credentes*

B 3

sal

saluare & quòd velit omnes con-  
temnentes filium, & perseueran-  
tes in delictis pœnis punire æternis,  
nequaquàm personarum acceptor  
est.

30

Præterea quòd non sint in Deo  
contradictoriæ voluntates ex eo ma-  
nifestum est, quòd, vt ipse veracis-  
simus imò ipsa veritas est: ita du-  
plex cor damnet. Cum igitur scrip-  
tum est: Deus vult, OMNES  
homines saluos fieri: Item, Deus  
non vult vllos perire, sed OM-  
NES ad pœnitentiam recipere:  
nequaquàm sunt harum propositio-  
num contradictoriæ admittendæ,  
quæ sunt, Deus non omnes vult  
saluos fieri, Deus vult aliquos pe-  
rere,



omnes con-  
perseueran-  
ire eternis,  
acceptor

rire, & non omnes ad pœnitenti-  
am recipere.

31

Quomodo ergo (inquies) dam-  
nantur multi cùm omnes saluos fie-  
ri Deus velit? Si consilium crea-  
tionis & missi filij in mundum re-  
spicimus, verè voluntas Dei est vt  
nullus periat. Verùm si euentum  
consideramus, voluntas Dei est, vt  
contumaces & impœnitentes peri-  
ant. Pater terrenus vult omnes su-  
os filios hæreditate gaudere. Hæc  
est enim paterna storga in bono pa-  
tre. Verùm si aliquis filiorum per-  
rexerit esse contumax, vt nec ver-  
bis nec flagellis emendari velit,  
hunc pater hæreditate priuat, &  
inter filios amplius non numerat.

B 4

Hu-

*Huius rei typus in Deuteronomio proponitur. Si genuerit (ait Dominus) homo filium rebellem & proteruum qui non audierit patris aut matris imperium, & coercitus obedire contemserit, apprehendent eum pater eius & mater eius, & ducunt eum ad seniores ciuitatis, & ad portam iudicij, dicentq; ad eos: Filius noster iste proteruus & rebellis est, monita nostra audire contemnit, Lurco & potator est, lapidibus eum obruet populus ciuitatis & morietur. Nonne hic pater vult filium obrui lapidibus quem naturali storga charissimum habuit? Ad eundem planè modum Deus ex sua paterna bonitate vult omnes homines hæredes fieri vitæ æternæ: Verum*

rum co  
belles

D  
currate  
nam, q  
vocant,  
num cont  
quens di

M  
est tertio  
mus volu  
conspici  
Dei vere  
mendat.  
voluntas  
pugnet.  
totus mun  
vult prof



*rùm contumaces nihilominus & re-  
belles perpetuis pœnis vult obrui.*

33

*Discernendum est igitur ac-  
curratè inter voluntatem Dei pater-  
nam, quam theologi antecedentem  
vocant, & eam quæ sequitur homi-  
num contumaciam. Quare & conse-  
quens dicitur.*

34

*MANDATVM (hoc enim  
est tertium in quo suprâ proposui-  
mus voluntatem Dei erga homines  
conspici) similiter nobis voluntatem  
Dei verè paternam erga omnes com-  
mendat. Fieri enim non potest vt  
voluntas Dei cum mandato ipsius  
pugnet. Quapropter cum iubet vt  
totus mundus filium suum audiat,  
vult profectò vt omnes illum audi-*

B 5

ant:



ant: vult vt ex auditu fidem con-  
cipiant. Prædicatio enim Euange-  
lij requirit fidem. Vult deniq; vt  
credentes saluentur. Deindè filius,  
qui est sapientia patris, amandat  
discipulos suos in omnem terram  
cum hoc mandato: Ite in mundum  
vniuersum, & proclamate Euan-  
gelium OMNI creaturæ. Qui  
crediderit & baptizatus fuerit sal-  
uus erit. Qui verò non crediderit  
condemnabitur. Hoc mandatum,  
cùm sit vniuersale, clarè testatur  
Deum velle omnium hominum sa-  
lutem, sed cum conditione fidei, vt  
indicat promissio mandato addita.  
Matth: ii. clamat Dominus: Ve-  
nite ad me OMNES qui labora-  
tis & onerati estis, & ego reficiam  
vos. Hic vtrumq; , hoc est ,  
man=

mandat  
volunta  
OMN  
vacantem  
sequantur

Firm  
tatione sta  
Dei eter  
stimoniu  
suis erga  
mandat om  
& credant  
audiant, &  
etificentur

Sed e  
des donum  
Sancti. E  
nisi qui di



mandatum & promissio testantur  
voluntatem Dei paternam esse ut  
OMNES veniant ad Christum  
vocantem, & OMNES in eo con-  
sequantur salutem.

35

Firmissimè itaq; & sine hæsi-  
tatione statuendum est mandatum  
Dei æternum & vniuersale, esse te-  
stimonium infallibile voluntatis ip-  
sius erga homines. Cum igitur  
mandat omnibus ut audiant filium  
& credant, vult reuerà ut omnes  
audiant, credant, iustificentur, san-  
ctificentur, saluentur.

36

Sed obijciat fortè aliquis: fi-  
des donum Dei est, & opus Spiritus  
Sancti. Ergo nemo credere potest  
nisi qui diuinitus fidem acceperit.

Item,



Item, nemo venit ad filium nisi quem  
pater traxerit. Hoc verissimum  
esse fateor. Verum cum Paulus in-  
quit. Fides ex auditu, auditus au-  
tem per verbum Dei, significat or-  
dinarium ad consequendam fidem  
instrumentum esse prædicationem  
Euangelij: in qua Deus iuxta suas  
promissiones vult esse efficax, vult  
trahere verbo & spiritu ad filium.  
Sed multi trahenti patri repugnant,  
cui poterant obedire. Hoc clare  
comprobatur quærela Christi in hunc  
modum peruicaciam Iudæorum de-  
flentis: Quoties volui te congrega-  
re vt gallina congregat pullos suos,  
& noluisti. Similem contumaciam  
Stephanus suis iudæis obijcit. Duri,  
inquit, ceruice & incircumcisi cor-  
de & auribus, vos semper spiritui  
sancto

sancto r  
Esaiam  
meas ad  
contradi  
nio & P  
rum ostend  
sam reiect  
cludit.

Huc  
quod Aug  
for & P  
ho: Quarta  
nines et ant  
tem ambo  
sim, ambo  
possidebat  
ambo flag  
Quid ergo  
ja? nisi qu



sancto resistitis. Et Dominus apud  
Esaïam: Tota die expandi manus  
meas ad populum contumacem &  
contradicentem. Hoc ipso testimo-  
nio & Paulus rebellionem Iudæo-  
rum ostendit, quam rebellionem cau-  
sam reiectionis eorum fuisse con-  
cludit.

37

Huc etiam facit exemplum  
quod Augustinus de Nabuchodono-  
sor & Pharaone proponit hisce ver-  
bis: Quantum ad naturam ambo ho-  
mines erant: Quantum ad dignita-  
tem ambo reges: Quantum ad cau-  
sam, ambo populum Dei captivum  
possidebant: Quantum ad pœnam,  
ambo flagellis clementer admoniti.  
Quid ergo fines eorum fecit diuer-  
sos? nisi quod vnus manum Dei sen-  
tiens

Tom 7. l. 1.  
Hic: ex gñ



tiens in recordatione propriæ iniqui-  
tatis ingemuit : alter libero contra  
misericordiſſimam Dei voluntatem  
pugnauit arbitrio.

38

Verùm hìc imprimis cauendum  
eſt ne quis peccandi petulantia &  
longa conſuetudine, abusus benigni-  
tate Dei inuitantis ſe ad pœniten-  
tiam, accerſat ſibiipſi iudicium vt  
à Deo irato derelinquatur atq; à  
Deo permittatur ruere in reprobam  
mentem. Hoc cùm fit homo ad ver-  
bum Dei obſurdeſcit, & ſibiipſi eam  
peccandi neceſſitatem imponit pro-  
pria voluntate, vt iam aliud quàm  
peccare non poſſit. Perinde enim  
illi accidit ac ſi quis ſeipſum de cacu-  
mine montis præcipitem daret, vnde  
poſtea caſum reuocare non valeret.

Ma-



Maturè igitur vocanti Deo obtemperare oportet, & resipiscere sollicitèq; ambulare (vt Propheta monet) coram Deo suo. Nam qui vocantem Deum per suos ministros audire recusat in contumaciæ pœnam incurrit. Vndè fit vt magis magisq; vinculis peccati constrictus donec tandem dedoleat, susq; deq; ferat omnia salutis media. Hic proinde locū habet vulgo notus versiculus. Qui non es hodie cras minus aptus eris.

### OBSIGNATIO GRATIÆ

(huic enim quartum locum tribui inter ea inditia quæ nobis ob oculos ponunt quàm sit paterna voluntas Dei erga omnes homines) clarissimè nobis paternam volūtatem Dei cōmendat.

Nam

Ma-



Nam dum iubet baptizari OM-  
NES GENTES vult verissi-  
mè omnibus gentibus suam obsigna-  
ri gratiam & misericordissimam  
voluntatem. Nunquam enim gen-  
tes omnes inuitaret ad baptismum ni-  
si omnibus gentibus salutem, quam  
obsignat baptismo, impartiri vel-  
let.

41

Quod autem in multis baptis-  
mus est tantum literalis, hoc non fit  
Dei consilio & voluntate, qui verè  
suam gratiam baptismo offert & ob-  
signat: sed hominum culpa, qui à  
pacto cum Deo in baptismo inito tur-  
piter discedunt.

42

Nam vt Deus promittit & pro-  
missum obsignat baptismo: ita par  
est



est ut homo ab altera parte fide re-  
spondeat. Siquidem in omni pacto  
utraq; pars pacti condiciones & le-  
ges servabit. Atq; eam ob causam  
Petrus baptismum definit stipulati-  
onem bonæ conscientie cum Deo.  
Deus enim baptismum offerens pro-  
mittit gratiam, conscientia verò fi-  
de respondens in pacto acquiescit  
freta resurrectione Iesu Christi.

43

Cum itaq; ex his demonstrati-  
onibus evidentissimè nobis constat  
de voluntate Dei paterna erga nos,  
quæ voluntas est causa & basis præ-  
destinationis & electionis nostri, fir-  
mam teneamus fiduciam salutis, &  
ad voluntatem Dei paternam in  
MISSIONE FILII, IN  
PROMISSIONE, IN MAN-

C

DA-



DATO, ET IN OBSIGNA-  
TIONE GRATIÆ expres-  
sam, tanquam ad arcem munitissi-  
mam nos recipiamus: nihil moran-  
tes decreta stoica quantumuis mag-  
nos patronos & sapientes habeant.

44

Porro fines prædestinationis  
& electionis nostri ad salutem duos  
Paulus constituit Ephesijs scribens:  
quorum proximus est ut simus san-  
cti & irreprehensibiles coram ipso,  
hoc est, ut studeamus sanctitati &  
innocentiæ, habeamusq; semper bo-  
num propositum: Ultimus ut lau-  
detur gloria ipsius à nobis in omni  
æternitate.

45

Restat nunc ut nonnihil dica-  
tur de usu huius dulcissimæ doctri-  
næ



ne prædestinationis & electionis æ  
ternæ, qui duplex ex Pauli epistolis  
ad Rom : & Ephes : colligi potest.  
Ad Romanos ideo scribit Paulus de  
prædestinatione vt ex causa, modo,  
& conditione prædestinationis con-  
cludat prærogatiuam carnis & hu-  
mana merita nequaquàm esse cau-  
sam salutis. Euertit igitur Aposto-  
lus prærogatiuam carnis & omnia  
humana merita tollit quo sit locus  
misericordiæ Dei in Christo Iesu, &  
via pateat salutis omnibus qui in  
Christum credere non recusauerint.  
Ad Ephesios de hoc ipso mysterio  
agit vt ostendat Euangelium Chri-  
sti non esse nouam doctrinam ab A-  
postolis excogitatam, sed ante mun-  
dum conditum in pectore Dei fuisse  
reconditam & suo tempore mundo pa-  
tesfactam. C2 Præ-



Præter hunc duplicem vsum,  
 quorum prior ad confirmationem  
 gratuite iustitiæ & vniuersalis gra-  
 tiæ pertinet, posterior ad commenda-  
 tionem antiquitatis Euangelij refer-  
 tur: Erit & hic vsus (quem Paulus  
 attingit ad Rom: 8.) vt statuunt pij  
 nullam crucem, nullam calamitatem,  
 nullam deniq; rem aliam posse impe-  
 dire salutem credentium quæ decreto  
 Dei æterno nititur.

Hinc consolatio ingens oritur  
 in agone mortis, & summa & ine-  
 narrabilis læticia nascitur, adeò vt  
 iam moriturus quasi ouans dicat: in  
 Domino confidit anima mea, non ti-  
 mebo, Christus meus victor mortis  
 est, in hoc ego triumphabo.

Huc



*Huc pertinet illud Dauidicum:  
Viriliter agite, & confortetur cor  
vestrum omnes qui speratis in Domi-  
num. Custodit enim Dominus om-  
nes diligentes se.*

*Ceterum hic vsus confirmans  
nos in cruce & consolans in Agone  
mortis tum demum locum habet vbi  
nos ipsos in Christo esse senserimus,  
& Christum in nobis.*

*Quare iuxta consilium Pauli in-  
stituenda est probatio nostri qui in  
hunc modum scribit Corinthijs. Vos  
ipsos tentate an sitis in fide, vos ipsos  
probate an non cognoscitis vos ipsos  
quod Iesus Christus sit in vobis.*



*Hæc Pauli verba certissimum  
 probandi modum nobis præscribunt,  
 qui est tentare & explorare an quis  
 sit in fide, an Christus in se habitet:  
 quæ sane probatio aliunde proficisci  
 non potest quàm ex effectibus spiri-  
 tus Christi. Nam qui spiritu Christi  
 ducuntur hi sunt eius. Qui autem du-  
 cuntur spiritu Christi cogitant, a-  
 mant, prosequuntur quæ sunt Chri-  
 sti, & nihil antiquius habent quàm  
 totam suam vitam Deo approbare.  
 Hinc est illa in sanctis pugna spiri-  
 tus aduersus carnem.*

*Huc & illud Pauli pertinet.  
 Milita honestam militiam retinens  
 fidem & bonam conscientiam. Nam  
 hæc certissima sunt inhabitantis  
 Christi*

*Christi  
 est illic  
 tuus op  
 scientia  
 ceræ  
 ubi cont  
 ubi est pro  
 prorsus fid  
 ca quedam  
 variis  
 tant*



*Christi testimonia. Vbi enim fides  
est illic conscientia purgata est à mor-  
tuis operibus. Quare & bona con-  
scientia & pium propositum fidei sin-  
ceræ testimonia sunt. Contrà autem  
vbi contaminata est conscientia, &  
vbi est propositum peccandi, ibi nulla  
prorsus fides est, nisi forte hypocriti-  
ca quædam de fide gloriatio, quam  
vanissimam esse opera ipsa decla-  
rant, & diuus Iacobus  
commonstrat.*



Christi testimonio. Et si cum filius  
 est ille confiteatur purum et honestum  
 in operibus. Quare et bona con-  
 scientia et purum propostum fore  
 certe testimonium sunt. Contra autem  
 ubi conscientia est confusa, et  
 ubi est propositum peccandi, et nullus  
 propter hoc est, nisi forte propostum  
 et quodammodo sine gloria, etiam  
 manifestum est operibus ipsius.





543.